

# SCRIPTA

**Numéro Scripta :** 2506

**Auteur(s) :** Richard Duval, de Sénoville [prêtre]

**Bénéficiaire(s) :** Coutances (hôtel-Dieu)

**Genre d'acte :** charte

**Authenticité :** non suspect

**Datation :** 1282, mai

**Action juridique :** donation

**Langue du texte :** latin

## Analyse

Donation à l'Hôtel-Dieu de Coutances, par maître Richard Duval, de Sénoville, d'une rente annuelle d'un boisseau et demi de froment, une geline et dix œufs, pour tenir un cierge à l'élévation du corps de Notre Seigneur dans la chapelle Saint-Antoine.

## Tableau de la tradition

### Éditions principales

a. Le Cacheux Paul, *Essai historique sur l'Hôtel-Dieu de Coutances*, l'hôpital-général et les Augustines hospitalières depuis l'origine jusqu'à la Révolution avec cartulaire général, Paris, Picard, 1895-1899, 2 vol., t. 2, n° CVI, p. 96-97.

Texte établi d'après a

Noverint universi presentes et futuri quod ego, magister Ricardus de Valle, presbiter, pro salute anime mee et antecessorum meorum, dedi et concessi finaliter in puram et perpetuam elemosinam, Deo et beato Anthonio domus Dei Constanciensis, unum bussellum et dimidium frumenti, ad mensuram de Senauvilla, unam gallinam et decem ova anni redditus, ad tenendum unum cereum ad elevationem corporis Domini nostri Jesu Christi in capella beati Anthonii domus supradicte, quem redditum Lucas Veysin michi debebat annuatim, videlicet dictum frumentum ad festum Sancti Michaelis et dictam gallinam ad Natale Domini et decem ova ad Pascha, pro quadam pecia terre continente circa quinque virgatas terre, sitas in parrochia de Senauvilla, apud clausa du Hamel, juxta terram Luce Veysin et juxta dicta clausa a lateribus, et butat ad cheminum per quod itur de Barnevilla ad ecclesiam Sancti Pauli de Rupella ex uno capite et ex alio capite ad doitum de Lalubériée ; percipiendum (reddendum), habendum et reddendum singulis annis de cetero imperpetuum priori et fratribus dictae domus ad terminos antedictos, libere, pacifice omnino et quiete, per manum Luce Veysin et heredum suorum seu per manum cuiuscumque tenentis de cetero terram superius nominatam. Et poterunt dicti prior et fratres domus antedictae seu eorum attornati plenariam justiciam de cetero in dicta pecia terre, si neccesse fuerit, exercere pro redditu antedicto, absque ulla mei vel heredum meorum contradictione, reclamatione in predicta terra de cetero facienda. Et ego siquidem dictus presbiter et heredes mei tenemur dicto priori et fratribus supradictis hec omnia et singula garantizare [et] defendere contra omnes, salvo tamen jure capitalium dominorum. In cuius rei testimonium, presentem quartam sigilli mei munimine roboravi. Anctum (sic) anno Domini M° CC° octogesimo secundo, mense mayi.